

NEZAVISNO REVIZORSKO MIŠLJENJE

Vlasnicima društva **Bihaća Pivovara d.d. Bihać**

Obavili smo reviziju priloženih finansijskih izvještaja društva **Bihaća Pivovara d.d. Bihać** (Društvo) koji obuhvataju Bilans stanja – Izvještaj o finansijskom položaju na dan 31 Decembar 2012. godine, Bilans uspjeha – Izvještaj o ukupnom rezultatu za period od 01. januara do 31 Decembar 2012. godine, izvještaj o promjenama na kapitalu i Novčani tok – Izvještaj o tokovima gotovine za tada završeni period godine, skraćene računovodstvenih politika izloženih na stranicama 16 do 19 i bilješke uz finansijske izvještaje koje su sastavni dio finansijskih izvještaja.

Odgovornost Uprave za finansijske izvještaje

Uprava je odgovorna za sastavljanje i fer prezentaciju finansijskih izvještaja u skladu s Međunarodnim standardima finansijskog izvještavanja i za one interne kontrole za koje Uprava odredi da su potrebne za omogućavanje sastavljanja finansijskih izvještaja koji su bez značajnog pogrešnog prikazivanja uslijed prijevare ili pogreške, što je i navedeno na stranici 3 našeg izvještaja.

Odgovornost Revizora

Naša je odgovornost izraziti mišljenje o tim finansijskim izvještajima temeljeno na našoj reviziji. Reviziju smo obavili u skladu sa Međunarodnim revizijskim standardima. Ti standardi zahtijevaju da postupamo u skladu s etičkim zahtjevima i planiramo, te obavimo reviziju kako bi smo stekli razumno uvjerenje o tome jesu li finansijski izvještaji bez značajnog pogrešnog prikazivanja.

Revizija uključuje obavljanje postupaka radi dobivanja revizijskih dokaza o iznosima i objavama u finansijskim izvještajima. Odabrani postupci ovise o revizorovoj prosudbi kao i o procijeni rizika značajnog pogrešnog prikazivanja finansijskih izvještaja uslijed prijevare ili pogreške. U stvaranju tih procijena rizika, revizor razmatra interne kontrole relevantne za subjektovo sastavljanje i fer prezentaciju finansijskih izvještaja kako bi se oblikovali revizijski postupci koji su primjereni u okolnostima, ali ne i za namjenu izražavanja mišljenja o efikasnosti internih kontrola poslovnog subjekta. Revizija također uključuje ocjenjivanje primjerenosti primjenjenih računovodstvenih politika i razumnosti računovodstvenih procijena koje je stvorila Uprava, kao i ocjenjivanje cjelokupne prezentacije finansijskih izvještaja.

Vjerujemo da su revizijski dokazi koje smo pribavili dovoljni i primjereni za osiguranje osnove za naše revizijsko mišljenje.

Mišljenje

Prema našem mišljenju, finansijski izvještaji prikazuju fer, u svim značajnim aspektima finansijski položaj društva **Bihaća Pivovara d.d. Bihać** na dan 31 Decembar 2012. godine, rezultate njegova poslovanja, Novčani tok i promjene kapitala za godinu tada završenu u skladu sa Zakonom o računovodstvu i reviziji u Bosni i Hercegovini i Federaciji Bosne i Hercegovine i računovodstvenim standardima koji se primjenjuju na teritoriji Federacije i koji obuhvataju: Međunarodne računovodstvene standarde (IAS) i Međunarodne standarde finansijskog izvještavanja (MSFI) zajedno sa uputstvima, objašnjenjima, smjernicama i načelima koje Međunarodna federacija računovođa (IFAC) i Odbor za međunarodne

standarde revizije i uvjeravanja (IASB) donose i koje Komisija za računovodstvo i reviziju Bosne i Hercegovine prevede i objavi te primjenom računovodstvenih politika izloženih na stranicama 16 do 19.

Sarajevo, 28.03.2013.

Alma Delić, Ovlašteni revizor,
Broj licence 3090143102



A handwritten signature in black ink, appearing to read "Alma Delić".

Alma Delić,
Prokurista

Hajrudin Hadžović, Ovlašteni revizor,
Broj licence 3090262100